

## In vino veritas

*M'ere ripromess de bever in compagnia  
'na botha messa via  
de un vin nostran, stran,  
fat inte un thimitero venethian,  
ma ieri sera ere un fià dho dee mee  
e ghe ò tirà al còl mi sol.  
al paréa che al me parlesse  
de sol e de piovete  
de salso e de calivo  
de 'na sbrisoladha de tempesta  
de dhì de festa  
dei cocai sui pài  
de i marmi e dee piére  
che ghe vea fat da compagnia  
durante la stajon  
dea grassa sue radhiss  
dea forfe che vea tharpi le vich  
dei cavi voltadhi dho*

*come archi de 'chiostro  
del zaino del solfato  
dei merli che ghe vea becà i garnèi  
dele ave che ghe vea ciucià al dolthet  
dele man che lo vea vendemà  
dei pié che lo vea folà  
del busnament intel brent  
del so polsar inte la bot  
inte l'inverno fret  
del fresco dea verta co i lo vea mess inte le bothe  
dea carta che ghe vea dhat la vothe.  
cussì goto dopo goto  
sevon cognosest par ben  
e, dal dito al fato  
son rivà sul fondi  
storno, ma content come na Pasqua*

Gigi Miracol